



Na osnovu člana 119. Pravila Gimnazije Univerziteta Sarajevo School of Science and Technology, broj: 01-1-142-1/25 i Odluke Školskog odbora Gimnazije SSST, broj: 01-1-740-3/25 od 26. 6. 2025. godine Gimnazija Univerziteta Sarajevo School of Science and Technology (Gimnazija SSST) raspisuje:

J A V N I O G L A S

za izbor i imenovanje člana Školskog odbora Gimnazije SSST iz reda predstavnika lokalne zajednice

I

U Školski odbor Gimnazije SSST bira se i imenuje član iz reda predstavnika lokalne zajednice - Općine Stari Grad na mandatni period od četiri godine, a konačno imenovanje vrši Osnivač Gimnazije SSST.

II

OPIS POZICIJE

Školski odbor: donosi pravila škole; godišnji program rada srednje škole za tekuću godinu i izvještaj o realizaciji godišnjeg programa rada za prethodnu godinu; opće akte o unutrašnjoj organizaciji i sistematizaciji radnih mjesta i drugih općih akata u skladu sa pozitivno pravnim propisima; program rada i izvještaj o radu koji podnosi osnivaču; imenuje i razrješava direktora, pomoćnika direktora/voditelj dijela nastavnog procesa, zaključuje ugovor o radu i prestanku rada direktora škole; imenuje komisiju u skladu sa pozitivno pravnim propisima; rješava žalbe učenika, odnosno roditelja učenika na rješenje o izricanju odgojnodisciplinske mjere iz člana 94. Zakona; utvrđuje prijedlog plana upisa učenika u prvi razred; verificira konačnu listu upisanih učenika u prvi razred; rješava o žalbama i prigovorima koji se odnose na rad direktora škole; rješava po žalbama i prigovorima kandidata po javnom konkursu za prijem radnika; razmatra prijedloge odluka, preporuka i prijedloga koji se upute školskom odboru i preduzima odgovarajuće mjere; rješava sva pitanja odnosa s osnivačem; razmatra i odlučuje o pitanjima radnopravnog statusa direktora škole; prati, ocjenjuje i kontrolira rad direktora škole; u vanrednim situacijama kada je direktor privremeno spriječen da obavlja poslove iz nadležnosti direktora, uz saglasnost Osnivača, ovlašćuje nastavnika koji ispunjava uvjete za direktora koji će, pored svojih poslova, obavljati i poslove i radne zadatke direktora, sve dok traje ta spriječenost; donosi plan kadrovskih potreba u srednjoj školi za petogodišnji period; utvrđuje konačnu rang listu radnika koji su djelimično ili potpuno ostali bez radnih zadataka; na prijedlog direktora donosi odluku o raspisivanju konkursa za prijem radnika; vrši i druge poslove u skladu sa pozitivno pravnim propisima i pravilima srednje škole. Školski odbor je nadležan za odlučivanje u drugom stepenu na odluke direktora srednje škole na koje je dopuštena žalba ili prigovor.

III

Za člana školskog odbora može biti imenovan kandidat koji ispunjava slijedeće opće uvjete:

- a) da je stariji od 18 godina;
- b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri (3) godine od dana objavljivanja upražnjene pozicije;
- c) da se na tog kandidata ne odnosi član IX Ustava Bosne;
- d) da nije osuđivan za krivično djelo nespojivo sa dužnošću u školskom odboru srednje škole, srednjoškolskog i školskog centra;
- e) da nije izabrani zvaničnik, nosilac izvršnih funkcija, savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, br. 70/08) da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22,44/22-Ispravka i 52/22-Ispravka) odnosno da nije lice koje je izabrano u organe predstavničke, zakonodavne, izvršne i sudske vlasti, niti lice koje ima smetnje za imenovanje u skladu sa zakonima kojima se regulišu pitanja sukoba interesa na svim nivoima vlasti;
- f) da nije izabran u organe i tijela političkih partija;
- g) da nije radnik Ministarstva;
- h) da nije radnik Javne ustanove Institut za razvoj preduniverzitetskog obrazovanja Kantona Sarajevo;
- i) da nije radnik općine na području Kantona Sarajevo i radnik Grada Sarajeva.

Pored općih uvjeta, kandidat koji se imenuje na poziciju predsjednika ili člana školskog odbora srednje škole, srednjoškolskog i školskog centra kao javne ustanove na području Kantona Sarajevo treba da ispunjava i slijedeće posebne uvjete:

- 1) da ima najmanje VII stepen stručne spreme ili prvi ciklus studija po bolonjskom procesu,
- 2) da ima najmanje pet godina radnog staža u struci,
- 3) da nema privatni finansijski interes u školi u čiji školski odbor se kandidira,
- 4) da nije direktor registrirane na području Kantona Sarajevo,
- 5) da nije radnik škole u čiji se školski odbor kandidira,
- 6) da nije roditelj učenika koji pohađa školu u čiji se školski odbor kandidira,

IV

Člana školskog odbora po ovom Oglasu imenuje Osnivač Gimnazije SSST, nakon dostavljanja prijave i prijedloga Osnivača nadležnom općinskom organu na davanje saglasnosti za izbor predstavnika lokalne zajednice.

Mandat člana Školskog odbora imenovanog po ovom Javnom konkursu, će trajati četiri godine, sa mogućnošću ponovnog reizbora neograničen broj puta u skladu sa Pravilima Gimnazije SSST.

V

Prijavljivanje se vrši putem prijavnog Obrasca 1. koji se može preuzeti na web stranici Gimnazije SSST (www.gssst.edu.ba). Prijavu sa cjelokupnom traženom dokumentacijom kandidat treba dostaviti lično ili poštom preporučeno, na adresu Gimnazije SSST (ul. Bistrik 7), sa naznakom "Prijava na javni konkurs za Školski odbor - ne otvaraj – otvara Komisij".

Kandidati su, uz potpisani Prijavni obrazac, dužni dostaviti slijedeću dokumentaciju:

1. kratku biografiju;
2. rodni list (original ili ovjerenu kopiju);
3. univerzitetsku diplomu o završenom najmanje VII stepenu stručne spreme ili prvom ciklusu studija po bolonjskom procesu (ovjerena kopija, format A4),

4. potvrdu/uvjerenje o radnom stažu potpisanu i ovjerenu od strane poslodavca ili uvjerenje Federalnog zavoda za mirovinsko i invalidsko osiguranje – Federalnog zavoda za penzijsko i invalidsko osiguranje o podacima registrovanim u matičnoj evidenciji osiguranika - najmanje pet godina radnog staža u struci;
5. potpisanu Izjavu o ispunjavanju uvjeta (dokaz tačke III) ovjerenu od strane nadležne općinske službe;
6. Obrazac za pitanja o eventualnom sukobu interesa.

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Dokumentacija dostavljena na Javni konkurs se ne vraća. Komisija zadržava pravo da ostale dokaze u vezi sa dostavljenom dokumentacijom zatraži naknadno ili samostalno pribavi i ukoliko aplikant u roku od najkasnije 15 dana od dana traženja dokaza iste ne dostavi smatrat će se da nije dostavio potpunu dokumentaciju.

Konkurs će biti objavljen u dnevnom listu „Oslobođenje“ i na web stranici Gimnazije SSST www.gssst.edu.ba, i istaknut na vidnom mjestu Gimnazije SSST (oglasna ploča).

Konkurs ostaje otvoren petnaest (15) dana od dana javnog objavljivanja.

Nepotupne, neuredne i neblagovremene prijave neće biti razmatrane.

Predsjednik i članovi školskog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Napomena: Procedura obrade aplikacije i objedinjavanja prijedloga provest će se u skladu sa odredbama Pravilnika o izboru, razrješenju i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo i instrukcija Osnivača.

Svi kandidati koji ispunjavaju uvjete bit će pozvani na intervju pred Komisijom za izbor. Podnosioci prijava sa kojima se ne stupi u kontakt u roku od 15 dana nakon roka za podnošenje, prijava neće biti uzeta u razmatranje u daljem procesu imenovanja.

Komisiju za izbor imenuje Osnivač Gimnazije SSST posebnom odlukom.

Prijave sa dokazima o ispunjavanju uvjeta dostaviti na adresu putem pošte - preporučeno ili lično na adresu:

Gimnazija Univerziteta Sarajevo School of Science and Technology

Bistrik 7
71000 Sarajevo

Javni oglas ostaje otvoren 15 dana od dana objavljivanja obavijesti o oglasu u dnevnom listu „Oslobođenje“.

Gymnasium SSST
Bistrik 7, Sarajevo, Bosnia and Herzegovina
+387 33 975 070
gimnazija@gssst.edu.ba
www.gssst.edu.ba